

明神宗實錄

卷二九二至三三三
萬曆二十三年十二月至
二十七年四月

明神宗顯皇帝實錄卷之二百九十二

萬曆二十三年十二月己亥朔准代王鼎鉉弟新寧王鼎司暫
管府事。加山東叅政余寅太常寺少卿命致仕。遣禮部主
事王宗恭鄴如川于河南山東選擇端秀子弟。初廷川端穆
王庶長子倪理以禮婚倅爵其所生第一子已賜名仲璽而未
有封祿慶府掌府事鎮原王仲雖以請禮部查懷慶王第一子
翊銖事例授以奉國將軍報可。追封會寧莊惠王長子弼楹
為會寧王從其子會寧王緝刺請也。庚子叙固原靖虜斬獲
功總督葉夢熊巡撫呂鳴珂俱廢一子入監讀書總兵黃明臣
廢一子本衛試百戶仍各賞銀帶有差副總兵蕭如蘭實校都
督僉事僉事張文華副使楊楫遊擊麻濟邦俱陞俸一級仍賞
銀各有差。辛丑宴違思蠻長官司進貢番僧南哈堅歲寺四

右候吳繼爵侍○大學士趙志皋等奏 皇上神明天縱威斷
獨持雖五位尊居無一念不在於吏治民生雖大廷稀御無一
事不關於 聖衷 宸慮但自今歲以來諸司章奏多有留中
不發者如吏部侍郎協贊銓衡吏科都給事中糾察吏弊皆官
之不可缺者如科臣吳文粹之陞京堂係邊功叙錄又恩之不
宜靳者如肅府乞封其母臣等曾擬票進覽經 幸尚未得旨都
給事中邵庶郎中高柱候補餘半年進退兩難丁此呂事刑部
擬罪 上請月餘未發此外不發章奏尚有不能盡舉者竊考
古之王者聽政日有考月有要歲有會月令十二月天子與公
卿大夫共飭國典以待來歲之宜蓋當一歲之終必將一歲所
行事令稽覈修飭使百司有所臬成萬幾不致叢脞今歲行暮
矣伏望將今歲留中章奏盡數簡閱悉行施行不報○雲南道

御史區大倫言天者百神之主王者所從受命郊之祭也王者所以致其精之德以上交於天享必躬親故謂之郊郊而遣代則精誠隔塞天與人不交而非郊矣 陛下嗣統御極欽明文思 上帝屬心乃冬至 大祀復遣公徐文壁恭代臣不知其可矣臣聞之郊則報本而反始仁之至也郊則尊祖以配天孝之至也禮稱唯聖人為能饗帝此豈臣工之任耶禮曰神不歆非類王者為天之子氣相合而心相通故郊為而格今以臣子而攝天子之祭於氣為非類於心不相貫矣王者祀天之道唯儀與誠遣官恭代儀則具矣誠於何有乃復命則以遣代年久徐文壁屢劾勤勞思進太師文壁之遣代也臣謂 陛下不親郊非美事也人臣爵以太師至榮寵也奈何 陛下蒙不美之號而人臣享至榮之階乎 郊祀重典不宜遣代緣地如思

凡不可訓願收回文壁恩命自今南北郊祀廟享時祭必煩躬薦則上下格而休徵應矣疏奏不報○陞薊鎮白馬關守備張紳為遵化右軍營遊擊○壬寅總督倉場侍郎邊維垣引年乞致仕不允○癸卯浙江巡撫劉元霖以杭嘉湖衛嚴五府應解稅絹駁換既多加以拖欠民力一時難措具三議以請一欲改折一欲仍照舊式一欲三年帶徵戶部以帶徵覆請報可○原任太常寺少卿徐元春奏請父原任太常寺卿管尚寶司事徐璫并母李氏並祭禮官議徐璫乃帶銜三品之任于例難議卹而有子元春則璫乃四品考滿應封之父例當有祭遂以並祭覆請詔從之○兵部以考選軍政第五府掌印金書自陳等官功罪以請左府金書寧陽侯陳應詔右府金書彭武伯楊世階著都督僉事倪尚忠中府金書南和伯方燁著都督僉事

蕭如蘭前府僉書陽武侯薛鉅新寧伯諱國佐後府僉書武定
侯郭大誠管理紅盛將軍西寧侯宋世恩安鄉伯張世恩勲衛
徐廷輔後軍前衛掌印懷寧侯孫承恩照舊供職左府僉書署
都督僉事歐繼宗後府僉書武安侯鄭惟忠管理紅盛將軍武
平伯陳如松俱革任閑住。甲辰以翰林院編修楊道賓袁宗
道黃輝補充編修慕章奏官。以播酋受勦陞總督邢玠都察
院右都御史仍與巡撫譚希恩林喬相各賞銀幣有差其文武
將吏各陞賞有差。治南兵鼓譟罪首叛胡懷德及偽軍師李
無逸等凌遲皆首有差仍令梟示各邊鎮。乙巳陞南京吏部
大選司郎中陳所蘊為湖廣右叅議兼僉事岳州江防兵備直
隸永平府知府馬崇謙為湖廣副使歸施兵備山東右布政使
依思忠為河南左布政使補原任廣西左布政使王績之才湖

廣福建副使徐卽登為本省左叅政分守福寧道。添設河會
守備築堡寔戍拒套虜于河上從宣大督撫王世揚魏允貞請
也。以永康侯勲衛徐應坤管理紅盔將軍。兵部以考選軍
政第南京五府錦衣衛等官功中府僉書靈璧侯湯之誥前府
掌印懷遠侯常胤緒署都督僉事胡大忠後府僉書署都督僉
事于嵩俱照舊供職左府掌印戚安伯郭邦相僉書署都督僉
事王治錦衣衛掌印署都指揮同知梅應魁俱革任閑住。南
京吏科給事中祝世祿奏禹之治水濬之也非隄之也三十年
來當事者不帥禹而師鯀徐淮之河東之以纒隄隄善決決而
塞不勝塞也又外加以遙隄蓋緣曲護運道故以築塞奏功亦
以築塞貽害頃者議主疏濬分黃以治其本導淮以治其標分
黃功先下派安東五港別開海口至馬得策獨導淮除濬清口

外議聞高良澗子嬰溝放淮從廣陽湖東入于海議聞武家墩
涇河放淮從射陽湖東入于海廣陽湖闊僅八里射陽名爲湖
實則爲河闊僅二十五丈離海且三百里迂迴淺窄高寶等七
州縣之水唯此一線宣洩之宣洩不及卽苦滄泛若又決淮注
焉田廬鹽場必無幸矣廣陽湖東有一湖名太湖方廣六十里
湖北口有舊官河自官蕩直至鹽城石碓口通海只五十三里
此河見闊六七丈若加深挑廣此導淮下派入海之一便也至
云間周家橋放淮下高寶諸湖從金家灣芒稻河南入于江而
北灣此河入江之路其隘十不能入其一二非開廣十五丈深
五尺許不可工部據疏履請詔令與勘河科臣總河總漕及各
御史等官從長酌議以奏。丙午陞廣東南雄府知府張東陽
爲山東都轉運鹽使司運使。戶部覆報陝西四鎮歲額共節

省銀五十四萬一千四百九十七兩督撫司道等官咨吏部記
錄詔曰可○以五軍七營練勇叅將霍珍分守山西中路○丁
木文軒尚書孫丕揚疏乞休不允○戊申 昭陵衛指揮僉事唐
國麒考查被黜投揭送歸兵部以聞命發調邊衛○加鎮番副
總兵馬應龍甘肅副總兵何崇德者都督僉事○己酉勅魏國
公徐弘基奉祀 孝陵○原任貴州巡撫右副都御史彭富年
其子請祭美禮官數往例三品官未經考滿被劾致仕者有祭
無葬禮以覆請報可○緬酋莽應裏既託孟璉孟銀二土司求
納款且致方物議者遂令原官差官黎京柱等齎銀幣往賜之
至境託詞不受撫臣陳用賓以聞勅下雲南撫按等官從長訂
議禮部覆請言緬酋阻我使人却我貢莽罪不勝誅然當初惟
據黎京柱往來轉說及璉銀二司轉申之文其於緬酋原無的

據京柱原係首事宜從重問擬以爲貪功納侮之戒 上詔如
部議。庚戌調原任雲南副使張文耀補廣西蒼梧兵備。戶
部覆日廂巡按喬廷棟條陳邊儲事宜一責司道隨時稽查一
責監收總理本折一議吏置各倉種斛一議倉場糧草照例加
減折耗一議羊欵查盤雜費詔悉從之。陞神機右營副將董
承祺爲南京左軍都督府僉書管事以懷寧侯孫承恩爲後軍
都督府僉書管事以鎮守陝西總兵官黃明臣爲右軍都督府
僉書管事。以叅將管順天巡撫中軍郭夢禎爲神樞二營練
勇叅將以分守紫荆關叅將周思文爲南京錦衣衛掌印管事
。南京守備李中府事秦寧侯陳良弼協同守備李後府事定
西侯將建元提督操江李右府事豐城侯李璣俱自陳不職兵
部議詔陳良弼李璣舊用而革將建元任。詔姦犯柯潤僧覺

經隱匿軍器著鎮撫司打問刑部請并拘解官周德對質擬罪從之○刑部問擬犯人丁北呂徒贖 上命發極邊衛充軍○辛亥大學士趙志皋等言臣等在閣辦事該文書房發下兵部遵例拾遺本奉 聖旨昨覽兵部考選黜留本中錦衣一衛內如何以副千戶未行題奏輒署四品之職該部附結市恩泛濫授予該科通若不例職字何在吳文粹與該司官韓范俱降雜職劉仕瞻曾偉芳等各降三級調極邊方不許朦朧推陞昨者臣大倫張同德屢行噴擾前俞价強思頻章以無指實之事察劾黨附結納至該部司官趨媚假官的亦無一言其於公而忘私何在臣大倫張同德俞价強思也著降三級調外任用且兵部近來詐冒賄買之官屢經束厥獲奏尚無畏慎堂上官姑各罰俸二月著萊勵供職又該刑部接出 聖諭今日覽科道會

蔡武職本內幼崇信伯費甲金隱匿送犯客用家財欺居玩法
革任閑任仍革去祿米三分之一該部運嚴追所寄贓物解收
其原奉旨官王坤覺大義提問擬罪來說宋金革職為民王之
損等姑各降一級策勵供職東廠及該衛東西二司房陸誅等
及五所掌印官都革職為民與宋金俱永不叙用夫一日之內
兩奉嚴諭大小內外衙門官黜罰過多竊惟兵部考查官員名
數繁夥容或一時擬議未精無以仰當 聖心但念五年考選
係國家大典而品派猥雜最難甄別者又無如武弁一途今年
稍尚書石呈彈精竭慮乃蒙嚴責似於體貌大臣稍有未盡至
于該部屬官該科長貳官及科道區大倫等祇因一事牽連遂
至相尋降罰似於政體未安且等又惟毀譽之言類多增飾而
輦轂之下尤易風波如崇伯費甲金守官不慎科道交章拾遺

可謂允稱至言寄匿逆犯多賦風聞道聽安可使以爲據伏望
大弘 聖度曲賜優容將兵部司官及該科道官量免降級以
安尚書石星之心其贖甲金寄匿事聽法司從問理 上以已
有旨答之。陞山東按察使趙欽湯爲河南右布政。巡按山
西右僉都御使魏允貞以父老乞終養不允。詔以山東長山
島開墾成熟田地令原撥官軍照舊耕種其收穫米豆另厥收
貯聽抵軍餉支銷。賜錦衣衛帶俸指揮僉事劉應節祭如例
。壬子調山東副使方應選爲福建提學副使陞湖廣武昌知
府孫承榮爲山東副使。癸丑兵部尚書石星以嚴旨劾休逆
疏言考察失當皆臣愚昧所致與諸臣無與去臣一人足伸國
法願賜罷斥以爲不職之戒而寬諸臣以昭宥過之仁 上以
其要譽實辭不允所請。賜已故南京戶部尚書曹邦輔妻陳

氏並祭合葬已故右副都御史贈右都御史李憲卿妻顧氏柩
葬從其子曹璠其曾孫李與善請也。○今右府掌印靖遠伯王
學禮為中軍都督府掌印撫寧侯朱繼勳為府軍前衛掌印
兵部勘覆寧夏鎮平虜城斬虜功次總督葉夢熊巡撫周光鎬
總兵解一清副使荊州俊等賞賚各有差。○甲寅禮部查奏淮
府詔興王原懋於萬曆二十一年十月初十日銜府商河王載
燾於萬曆二十三年正月十五日襲府鎮寧王厚傑於萬曆二
十三年五月初五日方城王珂璠於萬曆二十三年六月十五
日周府內鄉王勤焯於萬曆二十三年四月初五日成山伯王
應龍於萬曆二十三年六月二十六日各病故請於是月二十
日報朝一日從之。○禮部題翔鑿以龍陽王進襲嫡弟莊王之
爵長子常淳已封世子其二子三子依原封世次題授鎮國將

軍令乃援例請封卹爵請罷之 上以吉府係親支常汝常激
照舊秦府例改封○時因科道拾遺疏南京右府僉書周于德
任回衛右軍都督府掌印恭順侯吳繼嵩閔任錦衣衛指揮僉
事李元珍副千戶王緯俱落職為民○革鎮守大同總兵官李
東陽等任回衛原任廣寧副總兵方時春等回衛聽候降調從
科道官考查拾遺詣也○時 上以費甲金隱匿容用家財怒
猶未已錦衣衛東西兩司房五所掌印等官陸綵等已革降有
差後命查先任官楊一珍等盡行駐革且竣諭兵部勿復仍前
私僦陞用既而部以南京後府缺掌印以西寧侯宋世思安遠
侯柳懋勛詣 上以世思先年曾經科道論劾奏旨處分乃屢
屢推用豈無受賄情弊遂將本部司務官降三級調外任且謂
科道官賦無一言革區大倫張同德任為民而命柳懋勛為南

京右軍都督府字印宋世思革任閑任。丁巳。上以年節頒賜四輔臣及講官劉元震等銀幣各有差。○戶科都給事中耿隨龍以畿南盜賊竊發請優民壯舊制州縣大者二百名次者百五十名小者百名揀選勇健授以器械特常保練量懸賞格以專備盜賊兵部覆奏報可。○戊午。以慈聖皇太后萬壽聖節頒賜四輔臣銀幣及講官劉元震等各有差。○陞光祿寺少卿孫璋為太僕寺少卿直隸順德府知府樊東謨為山東副使永平兵備。○己未。以特方溢寒命順天府通判何鯉督修養濟院序舍以處孤貧。○太常寺奏本年十二月二十九日歲暮行大裕禮詣聖駕至期親詣太廟致祭命公徐文壁恭代遣使徐文輝伯玉學禮分獻于兩廡。○庚申大學士趙志皋等言前日該吏部接出聖諭近來兩京科道官專徇己私附和